



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆՎՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՐԵՄՍՏԵԱՆ ԹԵՄԻ ՀՈԳԵՒՈՐԱԿԱՆԱՑ ՀԱՄԱԳՈՒՄԱՐ

Հիւսիսային Ամերիկայի Արեւմտեան Թեմի Ազգային Երեսփոխանական Ժողովի 37րդ նստաշրջանի նախօրեակին, Չորեքշաբթի, 13 Մայիս 2009ի առաւօտեան ժամը 10:30ին, Էնսինոյի Սրբոց Նահատակաց Եկեղեցւոյ «Եղիա Սարաֆեան» դահլիճէն ներս տեղի ունեցաւ հոգեւորականաց միօրեայ համագումար, նախագահութեամբ Թեմիս բարեխնամ Առաջնորդ՝ Բարձր. Տ. Մուշեղ Ս. Արք. Մարտիրոսեանի, եւ մասնակցութեամբ Թեմիս միաբան հայրերուն եւ քահանայից դասուն: Համագումարին հիւրաբար ներկայ էր նաեւ Ս. Աթոռոյս երեց միաբաններէն եւ Թեմիս նախկին առաջնորդներէն՝ Գերշ. Տ. Եփրեմ Արք. Թապագեան:

Համագումարէն առաջ Եկեղեցւոյ մէջ կատարուեցաւ Գիշերային ժամերգութիւն: Արարողութեան աւարտին, հոգեւոր խորհրդածութեան պահը առաջնորդեց Առաջնորդ Սրբազան Հայրը, վեր առնելով Բ. Կորնթացիներու 4րդ գլուխը, ուր Պօղոս Առաքեալ կը քաջալերէ բոլորին երբեք չթուլնալու հաւատքի մէջ եւ նեղութեանց համբերելու, որովհետեւ «Ներկայի մեր կրած այս թեթեւ նեղութիւնը արտակարգօրէն գերազանց եւ յաւիտենական փառք մը կ'ապահովէ մեզի»: Սրբազան Հայրը յիշեցուց, թէ «մենք մեր ծառայական կեանքին մէջ նեղութիւններ ու դժուարութիւններ կ'ունենանք, բայց երբեք մեր յոյսին մէջ պէտք չէ թուլնանք ու մեր հաւատքին մէջ երբեք պէտք չէ տկարանանք: Առաքեալը ինք անպատմելի ու անտանելի նեղութիւններու հանդիպեցաւ իր առաքելութեան շրջանին, բայց հակառակ ատոր՝ երբեք չտկարացաւ, չընկրկեցաւ, չյուսահատեցաւ: Երբ մենք ներքնապէս հարուստ ու զօրաւոր ենք՝ արտաքին մեր կրած նեղութիւնները չեն կրնար ընկճել մեզ: Իւրաքանչիւր տագնապներէ կրնանք անցնիլ: Եթէ պարանին ծայրը կամ անդունդին հասած ենք՝ սակայն պէտք չէ մեր յոյսը կորսնցնենք, այլ գիտակցինք՝ որ Տէրը մեզի հետ է եւ մեզ առանձին չի ձգեր: Պէտք չէ երբեք մեր հաւատքի ու հոգեւոր զենքերը վար դնենք, պէտք չէ դասալիք ըլլանք: Այլ պէտք է նեղութիւնները եւ դժուարութիւնները մեզի յուշ ըլլան, որ մենք այս կեանքէն անդին դիտենք՝ յաւիտենական կեանքը, եւ այդ հաւատքով՝ առաջ երթանք ու զօրանանք»:

«Մենք Աստուծոյ խօսքին քարոզիչներն ենք, ուստի պէտք է միայն ճշմարտութիւնը խօսինք, ճշմարտութենէն երբեք պէտք չէ շեղինք: Մենք կոչուած ենք, որպէսզի ժողովուրդին Յիսուս Քրիստոսի մասին խօսինք, արդարութեան մասին խօսինք: Ուեւ մէկ ծառայութիւն զոհողութիւն

կ'ենթադրե, եւ այդ ծառայութեան մեր ոյժը պիտի ստանանք միայն Աստուծմէ», եզրակացուց Սրբազան Յայրը:

Ժամը 11:30ին համագումարը սկսաւ իր աշխատանքներուն: Առաջնորդ Սրբազան Յայրը նախ ողջունեց բոլոր հոգեւոր հայրերը, գնահատեց անոնց նուիրումն ու մատուցած ծառայութիւնը հոգեւոր մարզէն ներս, եւ մաղթեց, որ ժողովական այս օրը ընթանայ հեգասահ եւ պտղաբեր: Սրբազանը գնահատեց նաեւ հիւրընկալ եկեղեցւոյ հոգեւոր հովին ու հոգաբարձութիւնը: Ապա, Թեմական աշխատանքներու համապարփակ ներկայացումը կատարեց, սկսելով հոգեւոր-արարողական կեանքէն, ժողովուրդին հետ քահանայից յարաբերութենէն, անցնելով երիտասարդաց խմբակներու եւ կիրակնօրեայ վարժարաններու աշխոյժ գործունեութեան, Թեմա երիտասարդ ու պատրաստուած նոր քահանաներով օժտելու աշխատանքներուն մասին:

Քաջալերական խօսքերով հանդես եկաւ Գերշ. Տ. Եփրեմ Արք. Թապագեան, որ նախ շնորհակալութիւն յայտնեց Առաջնորդ Սրբազան Յօր, իրեն տուած այս հրաւերին համար, ապա կոչ ուղղեց քահանայ հայրերուն, որ համախումբ աշխատանքով կարենան լաւագոյնս յագուրդ տալ ժողովուրդի հոգեւոր ու ազգային պահանջներուն: Ապա, Սրբազանը յաջողութիւն մաղթեց բոլորին եւ ժողովական կեանքին, եզրակացնելով՝ որ միասնաբար գործելը գրաւականն է յաջողութեան:

Հոգեւորականաց Համագումարի Դիւանի անդամ ընտրուեցան Գերշ. Տ. Միւռն Ծ. Կրդ. Ազնիկեան, ատենապետ, եւ Արժ. Տ. Նարեկ Քնյ. Փեղիվանեան, ատենադպիր:

Ա. Նիստի ընթացքին, ներկայացուեցաւ Ազգային Երեսփոխանական Ժողովին ներկայացուելիք Կրօնական Ժողովի տարեկան տեղեկագիրը, որ ենթարկուեցաւ անհրաժեշտ բարեփոխութեանց:

Կէսօրին, սիրալիր մթնոլորտի մէջ, տեղի ունեցաւ սիրոյ ճաշ:

Համագումարի երկրորդ նիստը սկսաւ յետ միջօրէին: Յայր Պարթեւ ներկայացուց դասախօսութիւն-գրոյց մը, նիւթ ունենալով՝ «Հայ Երիտասարդին սպասումը հոգեւորականէն»: Յայր Սուրբը շեշտեց հոգեւորականին Աստուծոյ թագաւորութեան հաստատման ի խնդիր ներգործող ու աշխատանք տանող առաքեալներ ըլլալու հանգամանքը, նշելով՝ որ »Մենք կոչուած ենք Կեանքի՝ սպասարկուներ ըլլալու, Տիրոջ արքայութեան համար մարդիկ «որսալու»:

Ապա տեղի ունեցաւ Կրօնական Ժողով: Առաջնորդ Սրբազան Յայրը եւ Քահանայ հայրերը զեկոյցներ տուին յառաջիկայ տանելիք աշխատանքներու մասին: Կատարուեցաւ Ազգային Երեսփոխանական Ժողովի եկեղեցական երեսփոխաններու ընտրութիւնը, եւ բանաձեւուեցան համագումարին կողմէ Ազգային Երեսփոխանական Ժողովին ներկայացուելիք առաջարկները:

Համագումարի վերջին բաժինով, նկատի առնուեցան յառաջիկայ ամիսներու աշխատանքներու գլխաւոր հանգրուանները եւ յատկապէս 2009 Երիտասարդական տարուան նոր ծրագիրներ:

Եզրափակիչ խօսքով, Առաջնորդ Սրբազանը գնահատեց համագումարին մասնակցող հոգեւոր հայրերը, կոչ ուղղելով բոլորին՝

դրական հոգիով ապրելու եւ բացարձակ բժախնդրութեամբ կատարելու իրենց վստահուած առաքելութիւնը:

Երեկոյեան ժամը 5:00-ին, վերջ գտաւ քահանայից համագումարը, «Աշակերտք Քրիստոսի», շարականի միատեղ երգեցողութեամբ եւ Առաջնորդ Սրբազանին «Պահպանիչ»ով:

ANNUAL PRELACY CLERGY CONFERENCE

On Wednesday, May 13th, the annual Prelacy clergy conference, which traditionally takes place on the eve of the Representatives Assembly, was held at the “Yeghia Sarafian” hall of Holy Martyrs Church in Encino. The conference was presided over by H.E. Archbishop Moushegh Mardirossian, Prelate, with the participation of the clergy order. Former Prelate H.E. Archbishop Yeprem Tabakian and retired clergy members also participated.

The day began with services in the church followed by a spiritual meditation by the Prelate during which he reflected on the passage from 2 Corinthians in which the Apostle Paul advises to remain steadfast in our faith and exercise patience to receive the glory of God.

The conference convened at 11:30 a.m. with remarks by the Prelate who commended the service and devotion of the clergy members, and wished success to the day’s proceedings.

Archbishop Tabakian also delivered his remarks on this occasion, thanking the Prelate for the opportunity to participate in the conference and extolled the importance of working together with united efforts to achieve success in our service.

The Prelate then reviewed the past year’s activities and presented the Religious Council report, which was analyzed by the participants and revised accordingly. In discussing the activities anticipated for this year, special attention was given to the celebration of the youth in response to His Holiness proclaiming this the Year of the Youth.

The session convened with a presentation by Very Rev. Fr. Barthev Gulumian on what the youth require from our clergy.

The election of religious delegates to the Representatives Assembly also took place and suggestions to present to the upcoming Assembly were drafted.

The conference closed with the Prelate’s concluding remarks and benediction.